



Broj: 15-04-44949/22
Sarajevo, 01.11.2022.godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 55. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj: 35/22) i člana 7. Uputstva za izradu i provođenje plana integriteta institucija javnog sektora u Kantonu Sarajevo broj: 02-04-43099-19.1/22 od 20.10.2022.godine, sekretar Skupštine Kantona Sarajevo, d o n o s i

O D L U K U
o izradi Plana integriteta
u Službi za skupštinske poslove Skupštine Kantona Sarajevo

I

Ovom Odlukom utvrđuje se obaveza izrade i provođenja Plana integriteta u Službi za skupštinske poslove Skupštine Kantona Sarajevo (u daljem tekstu: Služba) u skladu sa Uputstvom za izradu i provođenje plana integriteta institucija javnog sektora u Kantonu Sarajevo i u skladu sa odredbama Zakona o prevenciji i suzbijanju korupcije u Kantonu Sarajevo.

II

Ovom Odlukom imenuju se članovi Radne grupe za izradu prijedloga Plana integriteta Službe (u daljem tekstu: Radna grupa), na period od 4 (četiri) godine, u sastavu:

1. Amela Smailagić-Čamdžić, šefica Odjeljenja za administrativno-tehničke i pomoćne poslove,
2. Ameldina Delalić, stručni savjetnik za poslove finansija i
3. Lejla Kadrić, viši referent za informatiku.

Članovi Radne grupe će izabrati predsjedavajućeg među svojim članovima i u roku od 5 (pet) dana od dana imenovanja, usvojiti i dostaviti rukovodiocu Službe, efikasan i provodljiv Program rada Radne grupe, na odobravanje.

III

Radna grupa iz tačke II ove Odluke, dužna je pristupiti izradi prijedloga Plana integriteta Službe u skladu sa Uputstvom za izradu i provođenje plana integriteta institucija javnog sektora u Kantonu Sarajevo i Zakonom o prevenciji i suzbijanju korupcije u Kantonu Sarajevo.

IV

Radna grupa je dužna, odmah nakon imenovanja, započeti sa radom i sačiniti prijedlog Plana integriteta Službe, najkasnije do 01.12.2022. godine.

Radna grupa treba da o svakom održanom radnom sastanku sačini zapisnik.



Radna grupa izrađuje i podnosi rukovodiocu Službe izvještaj o stanju integriteta u instituciji, koji se kreira na osnovu prethodnih analiza i procesa identifikacija rizika.

Radna grupa svu dokumentaciju sačinjenu u procesu izrade plana integriteta, objedinjava, te izrađuje prijedlog Plana integriteta Službe.

V

Radna grupa je dužna nakon okončanja svih aktivnosti dostaviti prijedlog Plana integriteta rukovodiocu Službe, koji isti upućuje Uredu za borbu protiv korupcije i upravljanje kvalitetom Kantona Sarajevo na procjenu.

VI

Rukovodilac Službe prati sve aktivnosti Radne grupe i odgovoran je za donošenje, provođenje i izvještavanje o provođenju Plana integriteta Službe.

VII

Odluka stupa na snagu danom donošenja, a objavit će se na internet stranici Službe.



Dostaviti:

1. Članovima radne grupe,
2. Menadžeru integriteta,
3. Svim zaposlenicima Službe za skupštinske poslove Skupštine KS,
4. Arhiva.